



Mikulić je kazao da je postupio u skladu sa Zakonom o izvršenju krivičnih sankcija

Foto: S. GUBELIĆ

## Među osumnjičenim i Zoran Mikulić MINISTAR PRAVDE DVA SATA SASLUŠAVAN U SIPA

Saslušane još dvije osobe u svojstvu osumnjičenih i dvije u svojstvu svjedoka. Riječ je o službenicima iz KPZ-a Sarajevo

Postupajući po naredbi Tužilaštva BiH, policijski službenici Državne agencije za istrage i zaštitu (SIPA) jučer su u okviru rada na predmetu Lutka saslušali federalnog ministra pravde Zorana Mikulića.

On je u svojstvu osumnjičenog dao iskaz o aktivnostima koje se dovode u vezu sa ometanjem rada pravosuđa i zloupotrebom službenog položaja.

### Postupio po zakonu?

Kako je saopšteno iz Tužilaštva BiH, istraga koju provode Tužilaštvo BiH i SIPA ometena je "nedozvoljenim izmještanjem zaštićenog svjedoka iz jednog u drugi kazneno-popravnici zavod u kojem se zaštićeni svjedok nikako nije smio nalaziti zbog opasnosti po sigurnost i život ovog zaštićenog svjedoka".

Po dolasku u SIPA, ministar Mikulić se obratio novinarima kazavši da je postupio u skladu sa Zakonom o izvršenju krivičnih sankcija.

Nakon izvršenja jedne trećine kazne, na molbu osuđene osobe ili na prijedlog rukovodioca ustanove, može se odobriti premještanje osuđene osobe iz jedne ustanove u drugu. O premještanju odlučuje federalno Ministarstvo pravde. Ne odlučuje ni Dubravko Čampara, ni bilo koja druga paraobavještajna organizacija. O tome isključivo odlučuje Ministarstvo pravde. Sve je urađeno u skladu sa zakonom, a ovim silnim hapšenjima samo se narušava kredibilitet Ministarstva, rekao je Mikulić.

Nakon što je u zgradi SIPA proveo dva sata Mikulić nije želio davati izjave po izlasku te se uputio u nepoznatom pravcu.

Iz Tužilaštva BiH i SIPA su saopštili da su utvrdili ko je i zbog kojih razloga naredio izmještanje zaštićenog svjedoka. Napominju da svi subjekti uključeni u ovaj proces dobro znaju da se navedeni zaštićeni svjedok, koji je već dobio prijetnje za sigurnost i život, ni pod kojim uvjetima ne smije dovoditi u zatvorsku ustanovu.

Kristina Jozić, portparolka SIPA, potvrdila je novinarima da su, postupajući po naredbi Tužilaštva BiH, policijski službenici Državne

ljnije informacije ne može davati.

Iz SIPA je također saopšteno da su policijski službenici u svojstvu osumnjičenog saslušali još jednu osobu inicijala K. K, dok su još dvije osobe saslušane u svojstvu svjedoka. Riječ je o službenicima iz KPZ-a Sarajevo. Iz Državne agencije za istrage i zaštitu nisu mogli precizirati za šta se sumnjači druga osoba, inicijala K. K, te su dodali da će u narednom periodu biti saslušano još osoba koje se dovode u vezu sa ovom istragom.

### Šta je naredio ministar

Akcija koja traje već tri dana vodi se zbog prebacivanja važnog zaštićenog svjedoka, za kojim je - po dosadašnjim nalazima istrage - ministar osobno posegnuo.

Svi saslušani priznali su da su svjedoka prebacili slijedeći upute ministra Mikulića.

Tužilaštvo tvrdi da on nema te ovlasti.

agencije za istrage i zaštitu, u svojstvu osumnjičenog saslušali federalnog ministra pravde Zorana Mikulića.

Osumnjičeni je pozvat u službene prostorije SIPA u Istočnom Sarajevu radi ispitivanja na okolnosti nedozvoljenog izmještanja zaštićenog svjedoka u složenom predmetu organiziranog kriminala iz jednog kazneno-popravnog zavoda u drugi, čime bi sigurnost i život ovog zaštićenog svjedoka bili dovedeni u pitanje, rekla je Jozić te dodala da nikakve deta-

### Dopuna izvještaja

Samo možemo reći da će i protiv osobe K. K. biti podnesena dopuna izvještaja o počinjenom krivičnom djelu Tužilaštvu BiH, napominje Jozić.

Podsjećamo, po nalogu Tužilaštva BiH, u petak je lišen slobode Hidajet Trako, pomoćnik ministra pravde FBiH, koji se sumnjači za kazneno djelo ometanja rada pravosuđa, u vezi sa zloupotrebom položaja. Osumnjičeni Trako se tereti za zloupotrebu položaja jer je izvršio nedozvoljeni premještanje zaštićenog svjedoka iz jednog kazneno-popravnog zavoda u drugi.

Nakon ispitivanja osumnjičenog Hidajeta Trake, postupajući tužilac Posebnog odjela za organizirani, privredni kriminal i korupciju Tužilaštva BiH Sudu BiH uputit će prijedlog za određivanje mjera zabrane, a one se odnose na zabranu obavljanja službene funkcije i zabranu sastajanja sa ostalim osumnjičenim u ovom predmetu.

Neslužbeno se može doznati da uskoro slijede optužnice.

E. GODINJAK